



地藏經法要 (…續 2) 賢護

吾觀地藏威神力，恒河沙劫說難盡；見聞瞻禮一念間，利益人天無量事。

(五) 地藏菩薩的本生及本願——地藏菩薩

能發如此大願，其本生因緣會是怎樣呢？

本生一：因見師子奮迅具足萬行如來的相好而發願：文殊師利！是地藏菩薩摩訶薩於過去久遠不可說不可說劫前，身為大長者子，時世有佛，號曰師子奮迅具足萬行如來。時長者子，見佛相好千福莊嚴，因問彼佛：『作何行願而得此相？』時師子奮迅具足萬行如來告長者子：『欲證此身，當須久遠度脫一切受苦眾生。』

本願一：時長者子因發願言：『我今盡未來際不可計劫，為是罪苦六道眾生廣設方便，盡令解脫，而我自身方成佛道。』——切利天宮神通品

本生二：因母輕三寶，墮地獄，為救母而發願：「又於過去不可思議阿僧祇劫，時世有佛，號曰覺華定自在王如來，彼佛壽命四百千萬億阿僧祇劫。像法之中，有一婆羅門女，宿福深厚，眾所欽敬，行住坐臥諸天護衛，其母信邪，常輕三寶，是時聖女廣說方便，勸誘其母，令生正見，而此女母未全生信，不久命終，魂神墮在無間地獄。時婆羅門女，知母在世不信因果，計當隨業必生惡趣，遂賣家宅，廣求香華及諸供具，於先佛塔大興供養。見覺華定自在王如來其形象在一寺中，塑畫威容端嚴畢備。時婆羅門女，瞻禮尊容，倍生敬仰，私自念言：『佛名大覺，具一切智；若在世時，我母死後，儻來問佛，必知處所。』時，婆羅門女，垂泣良久，瞻戀如來，忽聞空中聲曰：『泣者聖女！勿至悲哀，我今示汝母之去處。』婆羅門女合掌向空，而白空曰：『是何神德寬我憂慮？我自失母已來，晝夜憶戀，無處可問知母生界。』時，空中有聲，再報女曰：『我是汝所瞻禮者，過去覺華定自在王如來，見汝憶母倍於常情眾生之分，故來告示。』婆羅門女聞此聲已，舉身自撲，肢節皆損，左右扶持，良久方蘇，而白空曰：『願佛慈愍，速說我母生界，我今身心將死不久。』時，覺華定自在王如來告聖女曰：『汝供養畢，但早返舍，端坐思惟吾之名號，即當知母所生去處。』

「時，婆羅門女尋禮佛已，即歸其舍，以憶母故，端坐念覺華定自在王如來，經一日一夜，忽見自身到一海邊，其水涌沸，多諸惡獸盡復鐵身，飛走海上，東西馳逐，見諸男子、女人百千萬數出沒海中，被諸惡獸爭取食噉；又見夜叉其形各異，或多手、多眼、多足、多頭，口牙外出，利刃如劍，驅諸罪人使近惡獸；復自搏攫頭足相就，其形萬類，不敢久視。時，婆羅門女，以念佛力故自然無懼。有一鬼王名曰無毒，稽首來迎，白聖女曰：『善哉，菩薩！何緣來此？』時，婆羅門女問鬼王曰：『此是何處？』無毒答曰：『此是大鐵圍山西面第一重海。』聖女問曰：『我聞鐵圍之內，地獄在中，是事實不？』無毒答曰：『實有地獄。』聖女問曰：『我今云何得到獄所？』無毒答曰：『若非威神即須業力，非此二事終不能到。』」

「聖女又問：『此水何緣而乃涌沸？多諸罪人及以惡獸。』無毒答曰：『此是閻浮提造惡眾生新死之者，經四十九日後，無人繼嗣為作功德，救拔苦難；生時又無善因，當據本業所感地獄，自然先渡此海。海東十萬由旬又有一海，其苦倍此；彼海之東又有一海，其苦復倍；三業惡因之所招感，共號業海其處是也。』」

「聖女又問鬼王無毒曰：『地獄何在？』無毒答曰：『三海之內，是大地獄，其數百千各各差別，所謂大者具有十八，次有五百苦毒無量，次有千百亦無量苦。』」

「聖女又問大鬼王曰：『我母死來未久，不知魂神當至何趣？』鬼王問聖女曰：『菩薩之母，在生習何行業？』聖女答曰：『我母邪見，譏毀三寶，設或暫信，旋又不敬；死雖日淺，未知生處。』無毒問曰：『菩薩之母姓氏何等？』聖女答曰：『我父我母俱婆羅門種，父號尸羅善現，母號悅帝利。』無毒合掌啟菩薩曰：『願聖者卻返本處，無至憂憶悲戀。悅帝利罪女生天以來，經今三日，云承孝順之子，為母設供修福，布施覺華定自在王如來塔寺；非唯菩薩之母得脫地獄，應是無間罪人，此日悉得受樂，俱同生訖。』鬼王言畢，合掌而退。」

本生三：因釋迦佛咐囑，將眾生交託至彌勒出世而發願。爾時，世尊舒金色臂，摩百千萬億不可思、不可議、不可量、不可說，無量阿僧祇世界諸分身地藏菩薩摩訶薩頂：「・・汝觀吾累劫勤苦，度脫如是等難化剛彊罪苦眾生，其有未調伏者，隨業報應；若墮惡趣受大苦時，汝當憶念吾在忉利天宮殷勤咐囑，令娑婆世界至彌勒出世已來眾生，悉使解脫，永離諸苦，遇佛授記。」

本願三：爾時，諸世界分身地藏菩薩共復一形，涕淚哀戀，白其佛言：「我從久遠劫來，蒙佛接引，使獲不可思議神力，具大智慧。我所分身，遍滿百千萬億恒河沙世界，每一世界化百千萬億身，每一身度百千萬億人，令歸敬三寶，永離生死，至涅槃樂，但於佛法中所為善事，一毛一滲，一沙一塵，或毫髮許，我漸度脫，使獲大利。唯願世尊不以後世惡業眾生為慮。」——分身集會品第二

本生四：爾時，世尊告定自在王菩薩：「諦聽，諦聽！善思念之，吾當為汝分別解說。乃往過去無量阿僧祇那由他不可說劫，爾時有佛，號一切智成就如來，應供、正遍知、明行足、善逝、世間解、無上士、調御丈夫、天人師、佛、世尊、其佛壽命六萬劫，未出家時為小國王，與一鄰國王為友，同行十善，饒益眾生。其鄰國內所有人民多造眾惡。二王議計，廣設方便，一王發願，早成佛道，當度是輩令使無餘；一王發願，若不先度罪苦，令是安樂得至菩提，我終未願成佛。」

本願四：佛告定自在王菩薩：「一王發願早成佛者，即一切智成就如來是；一王發願，永度罪苦眾生，未願成佛者，即地藏菩薩是。」——閻浮眾生業感品第四

本生五：「復於過去無量阿僧祇劫，有佛出世，名清淨蓮華目如來，其佛壽命四十劫。像法之中，有一羅漢福度眾生，因次教化，遇一女人，字曰光目，設食供養。羅漢問之：『欲願何等？』光目答言：『我以母亡之日，資福救拔，未知我母生處何趣？』羅漢愍之，為入定觀，見光目女母墮在惡趣，受極大苦。羅漢問光目言：『汝母在生，作何行業？今在惡

趣，受極大苦。』光目答言：『我母所習，唯好食噉魚鼈之屬，所食魚鼈，多食其子，或炒或煮，恣情食噉，計其命數千萬復倍。尊者慈愍，如何哀救？』羅漢愍之，為作方便，勸光目言：『汝可志誠念清淨蓮華目如來，兼塑畫形象，存亡獲報。』光目聞已，即捨所愛，尋畫佛像而供養之，復恭敬心悲泣瞻禮，忽於夜後，夢見佛身，金色晃耀，如須彌山，放大光明，而告光目：『汝母不久當生汝家，纔覺飢寒，即當言說。』其後家內婢生一子，未滿三日，而乃言說，稽首悲泣，告於光目：『生死業緣，果報自受，吾是汝母，久處暗冥，自別汝來，累墮大地獄，蒙汝福力，方得受生，為下賤人，又復短命，壽年十三，更落惡道。汝有何計，令吾脫免。』光目聞說，知母無疑，哽咽悲啼，而白婢子：『既是我母，合知本罪，作何行業，墮於惡道？』婢子答言：『以殺害毀罵二業受報。若非蒙福救拔吾難，以是業故，未合解脫。』」

「光目問言：『地獄罪報其事云何？』婢子答言：『罪苦之事，不忍稱說，百千歲中卒白難竟。』」

本願五：「光目聞已，啼淚號泣，而白空界：「願我之母永脫地獄，畢十三歲更無重罪，及歷惡道，十方諸佛慈哀愍我，聽我為母所發廣大誓願：若得我母永離三塗，及斯下賤，乃至女人之身，永劫不受者。願我自今日後，對清淨蓮華目如來像前，卻後百千萬億劫中，應有世界所有地獄及三惡道諸罪苦罪生，誓願救拔，令離地獄、惡趣、畜生、餓鬼等，如是罪報等人盡成佛竟，我然後方成正覺。』」

——閻浮眾生業感品第四

（六）因果——種善因得善果，種惡因得惡果，種出世因得解脫果。這些因果法則很簡易，卻常被忽畧。有些人為求善果，不顧他人受傷害去種善因。例如強迫他人捐款、或是強迫他人做能力未遞的義工、侵權等。總認為自己的善行是最好的，每一個人人都應跟隨自己。雖然有些人嘴巴喜歡談因說果，但當見到他們的惡行，便知道他們不怎麼信仰因果。而當見到人們不嚮往修行便知道他們並不信仰成聖人及解脫樂。

（未完...待續）